

封邱縣續志卷五

建置志

志三

城池

建置志一

城 縣城建於漢淪於金遷於元葺於明以及清初俱詳舊志然高僅逾丈廣

不及尋康熙三十六年知縣耿紘祚謀修補見續志旋去官事不果雍正五年

知縣朱于宣始城之見省志乾隆九年復營繕見大清志而周圍雉堞方完好至

二十二年毀於水知縣徐碩士捐廉三百兩紳民捐銀七千八百餘兩於二

十七八兩年乃重建周五里二十四步高二丈五尺堞口一千零兩個濬池

一千一百二十丈口寬四丈底寬一丈深一丈見嘉慶八年河決衡家樓

直衝封邱壞南門大溜北經縣東三里之辛莊南折而東北按辛莊前屬開封民國二十二年

封邱縣續志

卷五 建置志 城池

一

開封新豫印刷所承印

年八月歸併封邱

淹市井田廬無算九年春知縣蔣萬寧請帑修所損城池堵塞東

北門濠長深闊開鑿照舊合築堤統用銀三萬二千餘兩見蔣萬寧修城碑記詳掌故迨

咸豐十一年流寇紛擾長鎗賊首李占標自陽武齊亦集率衆薄城城垣失

修垂六十年堞牆不及肩守者皆露半身勢幾危知縣駱文光於賊退後乃

倡捐修城出銀六千兩教諭劉聿堂訓導祈宗奚各捐俸三千兩士民共輸

三萬三千四百七十六兩以五月初鳩工重築經四閱月而始告竣周圍凡

九百三十五丈城堞一千五百九十有六個高二丈二三尺不等下寬三丈

頂寬一丈二尺門四東寅賓西阜成南慶安北拱辰上建門樓各三楹隅置

角樓各一楹民國二十五年十月全行拆去城頂四面添築炮台共七座建

置大炮二十四尊抬鎗一百桿火藥數千斤次年正月復用餘款濬城濠因

前而擴大之長一千零五十丈口寬五丈底寬一丈五尺深二丈裏沿去城

根二丈設吊橋四以通往來逮二月歲事見駱文光修城碑文詳文徵當是時陽延淇滑

鄰氛日逼人民恃以為守者職此耳第日久頽廢光緒二十六年知縣黃庭

芝俾二十六社計工劃段按畝出夫復濬城濠以是土加幫城隍九百零五

丈四尺深廣與前埒見檔三十二年五月十七夜大雨水沒南門吊橋灌城

中市衢人民幾遭滅頂災塌垣堞十之七八知縣姜麟書於三十四年擇要

略補治至宣統二年李景晟宰是邑相繼修西面城牆及四門樓以邑紳邊

祖恭等董其役見檔三年秋知縣文械用巡警車馬餘款將東南西南北門

東門之炮台雉堞城牆次第補葺見檔迨民國建元五月間先後又修四門

內守門軍房及東北城隍百餘丈見檔十一年潰兵悍匪遍境內鄉民多城

封邱縣續志

卷五 建置志

城隍

一一

開封新豫印刷所承印

居而南門迤右北門迤左兩方外磚又剝落未可以恃緩急知縣鞏思濶勸
捐兩千五百串略加繕治十七年教育局於城壕兩沿栽柳千餘株蓊萃凝
煙一望蒼然非徒調氣候護城池壯觀瞻供遊息也他日成材可得巨款但
近來四面城垣又有損壞周圍樹木被宵小盜竊砍伐所餘者僅東北一隅
興廢舉墜固為當時首務也

護城堤

建置志二

護城堤 延袤一千五百四十六丈基廣八丈頂寬二丈高一丈清嘉慶九年
知縣蔣萬寧重築先是荆隆朱源大王廟等處黃河連歲決口皆灌封城故
堤被淤湮沒祇存顛脊見續舊志歷康雍乾三朝浸成平壤嘉慶八年秋河復決
衡家樓城中地窪下水似建瓴入南門壞城垣公私房舍無算次年春乃築

護城堤循顛植柳令以盤結堤身自是民樂其利號為蔣公堤

碑在北堤埠口左已仆上

蔣公堤三字肇肅然至堤工告成碑記現在南門外大王廟文詳掌故

同治元年知縣駱文光見堤日損後

將不支遂以補修請尋以流寇肆虐民疲不堪再役置弗行

見檔卷詳掌故

光緒三

十二年五月十七日大雨滂沱達晝夜水越南堤灌城中沿周浪窩無全區

次年春知縣李景晟邀集邑紳從事補苴

董其役者邊祖恭黃錦崔驗功邊濟仁封濱李全德張柱國邊作善

張美玉九人有稟文及章程詳掌故

凡寬長高厚均照舊制私開車口概為填塞惟留埠口九

個以通往來

東永綏南永保西永鎮北永賴迤東永靖東北永豐東南永勸甯西南永和西北永昌按上六口係舊名後三名係新增

勸

捐三百六十六千不足以巡警曩年所餘雜款補益

見檔卷

洎國體改革無人

過問刈草牧羊就堤營葬恆出沒其間直抵民國十七年建設局成立起為

防範在堤上徧栽楊柳榆槐雜樹以萬數葱蘢鬱秀多半成活至十八年春

封邱縣續志

卷五 建置志

護城堤

二二

開封新豫印刷所承印

某軍駐境在城外操練對擊一方盤據濠沿一方佔領堤顛挑挖深溝巨窟

蜿蜒周匝幾無靜域自此風蝕雨冲崩潰尤甚

見採訪

十九年建設局補易樹

木再請復申前禁惟坑坎如故尙未填塞二十一年裁局併科建設局被廢

後負責無人觀今河勢日高去歲漫溢禍延縣東各村秉政當軸官為綢繆

不可坐視盡毀自棄全縣保障也

廨舍

建置志三

縣政府

附監獄

在城中東北隅

舊志謂正中今改

三面濱坑南通縣前街自清康熙間

修葺後

見舊志

雍正迄嘉慶無可考道光十五年檔卷載張知縣

佚其名

重修縣

署一次至二十一年知縣某

姓名俱佚

修大堂二堂頭門二門宅門東西班房署

前照壁大堂前之申明亭報銷工銀七百九十七兩咸豐四年鄉民以派車

糾紛聚眾闕堂暖閣內室歷任卷宗率多燬燒印信遺失杜令僅以身免詳見

掌故次知縣郭鳳恩起補治需銀一千五百兩見檔及光緒二十七年德

宗回鑾道經封邱知縣黃庭芝奉令以公署暫改行宮動帑七千九百五十

一兩於八月十六日開工將全署房宇或補葺或新建形式較前開拓宏敞

至十月初二日俱告竣鑾輿過後仍作縣署見檔今因之顏曰封邱縣政府

惟近來房多破碎累年坍塌零星補葺難以備載茲照黃庭芝改修行宮按

次詳列加以附注以供參考焉

大堂三間現存民國十七年改為縣政府大禮堂

堂左蕭曹祠一間現存東科房九間現存七間內院北房六間堂之東北庫房院

東屋四間西屋二間北屋三間俱現庫樓一間舊高三丈二尺民國二年改為高一丈二尺磚砌樓級

封邱縣續志 卷五 建置志 廡舍 四

現存南屋二間此屋係民國二年知縣郭之徵收處西科房八間俱現內院房八間

現存五間為政務警察廚房

二堂過廳三間現存為民刑法廳堂前三丈一尺七寸南北四丈六尺

東廂房三間現存為西廂房三間堂左北屋三間現存二間為檔案室

南東屋三間今南屋二間今堂右北屋三間現存為司法警察辦公室西屋三間今西

平房二間今

三堂過廳三間現存堂前東西二丈九尺南北四丈六尺

堂左北屋三間現存舊為東花廳堂右北屋四間現存舊為西花廳今西

屋四間今堂東偏院北屋四間東屋三間南屋三間迤南廚房院北屋四

間平房東西四座十二間以上房舍今俱圮地場改為公務人員體育場

開封新豫印刷所承印

四堂大廳五間捲棚五間轉廊四間

光緒二十七年新修將舊基展後一丈轉廊久圯餘俱存為縣長辦公室堂前

南北三丈七尺東西四丈五尺

東廂房三間

現存為會計室

西廂房三間

現存為第一科長辦公室

堂東偏院

上房三間

現存

東屋三間

現存與上房為縣長住宅

西屋三間

今堂西偏院上房三間現存

東屋三間

久圯

西屋三間

現存此院為承審員住宅

二門過廳三間兩旁跨門各一間

現存

門左迤南一壯丁房北屋三間

現存為保安隊住室

東屋三間

今一步快房前後北

屋六間

現存三間為保安隊住室

一二快房北屋三間

現存為看守所

東屋三間

現存為一頭

快房北屋三間

現存為看守所

門右迤南一福神祠北屋三間

現存為電話室

西屋五間

現存為壯丁總隊部

一二皂房北

屋四間

現存二間

一頭皂房北屋三間

今西屋三間

今一兵快房前後北屋八

封邱縣續志

卷五 建置志 廡舍

五

開封新豫印刷所承印

間

現存二間按兵快後遷到頭快地址

西屋二間

今圯地為保安隊馬號

頭門過廳三間

現存

南有照壁一座

高一丈二尺長一丈八尺厚三尺民國十九年軍隊過境汽車行駛不便知縣劉那風拆除無存

監獄 在縣署二門內東向創建無考清道光同治光緒間頻修葺

見檣外

築磚牆周四十丈零六尺高一丈二尺五寸中分南北二廡男廡房兩座

各三間院之南為女廡北屋二間禁卒更夫房二間共有房十間門外又

築南屋一間置卒巡守另以牆界之門簾橫額題曰封邱縣監獄宣統元

年於二門外又建待質所十二間今改為看守所清制由典史主之及民

國裁撤改歸管獄員今仍之

案元末河朔一帶均遭寇虐一切府署鞠為茂草通志謂封邱縣明洪武

元年建順治志同是否因仍遺址無從稽考至明清黃災相尋幾次陷於沮洳

經諸宰努力慘澹漸復舊觀自改行宮而後規模更增輪奐莫云來自公

帑何非民膏民脂居其室者可以深長思矣

縣學 在縣東街路北縣治之東南見舊志自清順治九年被水衝沒經余縉王

賜魁岳峯秀耿紘祚諸賢宰漸次修舉見兩志雍正元年奉文在泮池之西添

置忠義節孝二祠各三間至九年冬知縣朴懷寶見廟貌猶多缺略乃會商

邑老而更修葺見知縣朴懷寶重修儒學碑記○詳文徵顧地勢卑下數罹水災迄乾隆間宮牆

棟宇復淪漶於荒草十九年知縣曾興柱先行捐廉集諸紳商而募捐之乃

鳩工重修大成殿五間東西廡各五間戟門任兩廡南三間旁泮池在戟門前中架

石橋以通往來魁星樓在泮池東北隅高二十尺櫺星門三架在泮池前面接官廳三間在泮池東忠

封邱縣續志

卷五 建置志 廟舍

開封新豫印刷所承印

義三間在泮池西節孝三間在忠義祠西鄉賢三間在戟門西名宦三間在戟門東各祠而殿後之明倫堂

三間旁敬一亭三間在明倫堂後內有石刻明世宗敬一文昌閣在敬一殿

東之崇聖祠在大成殿東北三間文昌二代祠在崇聖祠西各三間皆一律改建即先聖之栗主

四配十二哲先賢先儒崇聖五代之木主盡加整理共用銀一千五百餘兩

見會輿柱重修儒學碑記詳掌故至嘉慶十年知縣蔣萬寧同治六年知縣孫成竹相繼修

光緒二年知縣張葆森又將前後殿祠各舍五十三間逐一補葺泮池圍以

石欄櫺星制以木柵月台甬路仍舊砌治照壁兩端之門東額曰金聲西額

曰玉振增置籩豆簠簋登鉶雲雷犧象等祭器經始於九月朔迨次年六月

底落成需錢八千七百五十千見重修文廟捐題名碑記洎後二十有四年訓導樊振

家再以修築明倫堂敬一亭文昌閣請得邑令左輔陳熙愷王玉山歷任籌

資士林翰將工起於光緒二十二年丙申八月迄二十四年戊戌十月觀厥

成焉

樊振家有重修文昌閣碑記

民國二十六年六月縣長姚家望重修泮池

見採訪

案縣學之制自隋唐以至明清已云完備惟自祀孔禮廢典守無人舉凡殿廡各祠木主祭器門格神龕及清代歷頒匾額任軍隊之焚燒宵小之潛竊僅遺聖主仍存殿中其餘均歸蕩然十八年於此設立縣黨部又加整頓將南面照壁金聲玉振兩門同時拆除改修戟門爲辦公室形式峻嶒粉光奪目

教諭宅 在孔子殿西北隅卽今教育局址也有房十三間民國元年教官裁免改爲勸學所十五年教育局長石錫珍創修臨街房五間中爲大門兩旁東爲守閣室西爲平民圖書館十七年紅槍會破城入局搗亂焚燬北屋三間是年秋王蘭香來長殘局從事建築將原基往後開拓改修北屋五間前接抱廈外砌月台登其堂者美輪美奐盡改舊觀矣

案兩舊志順治時教諭宅在文廟西北隅康熙時移在文廟西已廢訓導宅不知何年又遷原居惟自此歷久相沿直抵清末並無變更據民國八年官產處丈量南北寬俱十步零三尺中長三十四步東至訓導宅西至民宅南至高等小學堂北至馬王廟

訓導宅 在孔子殿後民國元年訓導奉文裁撤房盡毀知縣郭之炎就東院儒學設立女子初等小學校五年八月知縣張雋將此地改爲學校園民國八年女學遷在惠濟倉後院遺址被第一小學作教室二十二年冬校長王增琦就此擴其範圍將學校園北面垣牆展抵大路中建教室兩座計六

間移前院生徒實其內與東院明倫堂敬一亭文昌閣三教室統稱第一小學第二院

案明史職官志縣學教諭一人訓導二人封邱置有二訓導故其宅一在文廟東一在文廟西俱載舊志清順治四年縣學設教諭一員訓導一員康熙三年止設教諭一員十五年縣學仍設教諭訓導各一員直抵裁缺迄未更制惟二宅年遠俱廢不知何時改遷諸此亦無從考據民國八年官產處調查屋四座共房十一間南北俱寬二十步中長三十四步東至儒學南至路西至教諭宅北至儒學

見檔卷

諸舊署

縣丞宅舊在縣治西

見舊志

後遷縣西南于家店北街路東民國元年

丞職裁撤房塌無存迨十三年六月遺址被官產處變賣

見檔卷

封邱縣續志

卷五

建置志

廨舍

八

開封新豫印刷所承印

衛糧廳

在縣西南二十五里荆隆工始建無考房七十九間民國五年重

修尋廳制變更改駐陳橋此房作廢迨民國二十三年春河南財政廳令縣

政府標賣所賣之價盡數解省

見續豫河志及檔卷

主簿宅

據舊志所載在縣治東乾隆間房廢無定宇主簿江

名佚

於乾隆二

十六年在黃河圈堤北岸古黃池處創修房六十餘間

有建署碑記見文徵

將署遷此

不知歷時幾許又遷荆隆工租居民房直抵民國元年主簿撤裁始廢遺址

於民國十三年六月官產處變賣

見檔卷

典史宅

在縣治東南隅分東西兩院西院大堂三間東屋二間馬王廟一

間西屋三間後有二堂花廳各三間東屋二間迤南關帝廟一間民國元年典史裁撤改爲公款局又爲財務委員會民國二十四年警察所與財委會

更換地址轉遷於此

見採訪

案順治志典史宅在縣正宅東南雖迭經滄桑迄未改易今據官產處
民國十三年丈量南寬二十三步北寬二十三步四尺中長四十五步
一尺東至水坑南至路西至縣署北至水坑

見檔卷

諸行宮 城內行宮係就縣署改設清德宗回鑾奉令暫用建築費由河南供
支總局照發工起於是年八月十六日至十月初二日始告竣重修房百餘
間新築房九十五間知縣黃庭芝報銷銀七千九百五十一兩餘詳前縣署

條

見修行宮檔卷

大村行宮 在城西北十八里東大村集西首路北清光緒二十七年兩宮
歸京蹕經封邱茲值赴延要衝知縣黃庭芝於此設立尖站購置民地修房

封邱縣續志

卷五 建置志

廨舍

九

開封新豫印刷所承印

四十四間需帑銀一千九百八十五兩及差過幾成廢址民國五年三月調
查僅餘房二十二間次年六月被官產處標賣得洋一百六十元原價解省

此址作廢

見檔卷

旅汴同鄉會 民國十五年由旅汴邑人組織初租房棚板街嗣遷於捲棚
廟街路東有房二十餘間民國十四年被雨冲毀今僅餘四五間云

見採訪

案清初封有察院布政司等行署今俱廢遺址無存名目既詳舊志茲
不復贅

諸局所 車馬局清光緒五年知縣李永吉改訂車馬因設車馬局於城內東
街選四鄉大戶輪流經收車馬攤款

詳掌故改訂車馬章程

光緒三十四年十一月裁

撤宣統元年復成立車馬收支所附設縣署內仍派社紳經理其事民國三

將車馬費隨糧征收除補助地方內務經費外餘款交公款局流動支發各

項自治之用該局取消見檔

案徭役之苛濫至清末季已達極點往來差使之絡繹車馬供給之無厭里閭已疲於奔命不勝其煩矣然胥役又從而舞弊其中浮收妄派苦樂不均於是設車馬局冀以平勞役便支應也乃相沿既久弊竇復生入民國奉令將局裁除民幸稍息仔肩詎緊接軍隊過境累月頻年行駐不定一經開拔需車無算當軸者以事出倉猝時不容緩不得不飭警票抓或令硬派近縣之區受創更深當茲農村破產人民困頓之時奄奄餘息不堪再累執政者惟宜預為籌謀有以善其後也

契稅經理局 民國十四年設立見檔

封邱縣續志

卷五 建置志 廢舍

開封新華印刷所承印

縣黨部 溯自民國之初封邱有國民黨共和黨統一黨等組織及二次革命失敗後國民黨為政府所不容而共和黨統一黨亦無形斂跡十六年河南成立省黨部派邑人張協中趙毓棻秋型曾滑縣人來封組織黨務籌備委員會徵收黨員十八年元月就舊孔子廟地址成立中國國民黨河南封邱縣獨立區黨部召開全縣代表大會選舉趙毓棻崔震東張世所為執行委員朱廣敬石錫珍為候補執行委員段旺林為監察委員何沐恩為候補監察委員每月經費由上解丁銀扣支作抵二十年春省黨部改派張景周滑縣人楊金吾開封人張世所為黨務整理委員旋又奉令徵收預備黨員成河南直屬封邱縣區黨部選舉第二屆執行委員趙毓棻李國賢張協中候補執委李鳴九張世所而第一屆監委段旺林候補監委何沐恩連任二十一年

趙毓棻段旺林因事辭職再行改選執委李鳴九李國賢張協中候補執委張世圻王德高監委何沐恩候補監委姜文園此第三屆選舉之大概情形也迨二十二年元月因豫鄂皖三省剿匪區內暫行黨務整理綱要頒佈縣黨部經費停止改爲維持費由縣地方款下動支八月省黨部實施整理綱要將河南黨務劃分二十區黨部改組派張協中爲幹事李國賢爲書記下設錄事二人每月事務費由省黨部向三省剿匪總部領取轉寄於縣二十五年五月張協中赴外就任區長辭幹事職省黨部改派李國賢接充二十六年又委賈毓棻爲書記

財務委員會 初在縣政府東南隅舊典史宅今遷於縣西街警察所舊址民國元年十二月遵飭設立公款局十六年十一月更名財務局十八年又

日財政局二十一年裁局併科國省二款提歸縣政府局名取消另行組織地方財務委員會以保管地方各款關於丁漕縣政府設徵收處徵收之

見檔

卷

建設局 在縣西大街關岳廟東院民國十六年設立至二十一年裁免

見檔

卷

案民國五年知縣姚禮坤於城內東北隅籌劃公地二十畝以辦苗圃六年添置農事試驗場十三年合併爲實業局移苗場於城東北三里李莊東首該處舊有學田三十畝至此撥荆隆工官地照數交換內演桑柏桐梓等木苗以備造林之用後又易名林業局十六年河南建設廳令各縣設立建設局凡農林水利路工等事均歸所屬封邱將林業

局改組爲建設局其水利分會農會俱取締及二十一年該局裁免後
其事業由縣政府第三科承辦見檔卷另詳實業

度量衡檢定所 民國二十二年五月立初設於教育局後附於縣政府今仍之

案吾封城市集鎮斗各不同

向日城中一斗容十一筒五重十八斤號較準集斗所屬十四集如安上集一斗容

十一筒大村集僅十筒其他黃陵馮村荆隆工等集皆不能齊一〇按筒相傳係縣長公案之籤筒無從稽考尺有裁尺白布

尺等裁尺一尺六寸木尺等裁尺九寸秤有平秤加二五秤即平秤一斤二十兩爲一斤加三五秤

即平秤二十一斤加三七五秤即平秤二十兩爲一斤折半秤即平秤四兩爲一斤至是不

拘城鎮不論物品統準以公尺折裁尺九寸強公斗折城斗七升五合強公秤折平秤十兩強

於二十三年三月着手實行來稿

賦稅經徵處 民國二十五年徵收處撤銷改設經徵處仍就老庫房院即

徵收處故址內分田賦稅務二組田賦組主徵收丁漕稅務組凡牙屠營業

及烟酒牌照等稅皆歸主管徵收之檔卷

案丁漕徵收清制歸庫錢糧等房分辦民國後六房裁撤乃設徵收處

砦堡

建置志四

諸砦 沙崗砦在縣東北十里清同治間創築採訪計周七百丈上寬二丈一尺

下寬二丈四尺高九尺民國二十六年四月續修

高產角砦 在縣東十二里剏始於清同治七年因捻匪竄河北封邱戒嚴

鄉民驚逃棲身無所本村耆紳黃金臺等糾集合村人士磋商修砦以扞禦

身家謀既僉同即共推黃紳爲砦主於是募款庀材尅日興工惟其時民窮

財困百計維難僅築砦隍甫畢而時亦清平因而中輟至民國元年本地土寇竊發劫掠成風日甚一日村人憂之公同商酌復推選拔黃蔭棠主其事以續成乃父之績於是承詒謨稟成算買甃運石架梁啟棟匝月而四門俱竣名曰衛生砦乃工成而力已盡未及築牆浚池而工又輟至十一年秋某營新收武林大金寶李清濱諸悍賊千餘人奉令駐札封之東南部魯岡集數村該砦適當其衝索項逼款備極搔擾不得已復議修砦此時黃蔭棠已故衆舉其弟黃蔭耕暫主其役至是始將外牆及砦河按人分段一律修築半載乃備然後復將砦隍之破碎者補之缺殘者添之至是乃完乎其爲砦矣無奈該處逼近沙河冬春兩季爲風伯所虐砦之東門至北門沙集極高於牆其餘無沙之處亦因數十年之雨蝕風剝至今頽敗不堪言狀矣砦之

周圍面積統五百丈基址寬三丈頂寬一丈高二丈砦河深二丈底寬一丈五尺面闊三丈

馮村砦 在縣東北十八里同治元年砦中殷實富戶及鄰村幫築周圍四百餘丈光緒二十一年四月重修

見檔卷

迨民國二十六年四月又續修

見採訪

辛安店砦

在縣北十八里周圍堅固但創築年代無卷可考

民國二十六年四月續修

東大村砦

在縣西北十八里民國二十六年奉令新築計上寬七公尺下

寬九公尺高三公尺上欄牆高一公尺三寸周二千二百四十公尺寨河口寬八公尺底三公尺深五公尺裏沿距寨牆三公尺開始於是年之五月訖

今尙未告竣

此公尺當吾國營造尺三·一二五尺

荆隆工砦

在縣西南二十五里咸豐十一年創築當是時東匪日熾該地

紳董孫自立韓金聲化鐵嶺黃立基等僉謀修砦以避其患乃南湊河堤東西北三面接築砦牆於十二月二十八日告竣計底寬四丈頂一丈高一丈五尺長一千零八丈設東西北三門外挑砦河一道

見檔卷

安上集砦 在縣西北二十五里同治七年四月二十三日創築倡辦人杜

開運杜瑗等

見檔卷

李馬台砦 在縣西北三十里

榆林砦 在縣東北三十里同治間匪兵過境築砦防亂名爲中和砦民國

十一年重築

見檔卷

梅家口砦 在縣西北三十五里同治七年創築名爲中正砦

西守宮村砦 在縣西北三十五里

封邱縣續志

卷五 建置志

砦堡

十四

開封新豫印刷所承印

留光集砦 在縣東北三十五里民國二十六年續修

見檔卷

于店集砦 在縣西南三十五里

林莊砦 在縣東北四十里清同治元年馬村社議避捻亂以該莊爲中心

地址乃築於此名曰恆德砦砦主王蓮

採訪冊

巨壘集砦 在縣東四十五里

大岸砦 在縣東四十五里

黃陵集砦 在縣東五十里

韋城集砦 在縣西南四十五里

陡門集砦 在縣西南六十里同治七年四月劉琨等呈准創築

見檔卷

桑園砦 在縣西南二十里周圍牆俱坍塌僅有遺跡

案寨之名由來久矣禮記月令四鄙入保鄭注鄙界上小邑卽今之寨也吾封四境平夷無險可守而寨亦屬寥寥清咸同間捻匪入侵所過丘墟人民乃相率築寨以爲堅壁清野之計如上所列多修於此時近則萑苻遍野抬架日聞有寨之村較易防衛故令增新葺舊及時進圖弭盜安民端賴於是耳

兵制

建置志五

諸營部 城守營在縣西街路北舊置城守把總一員隸衛輝營道光二年上憲以考城地界直豫二省所有兵弁不足彈壓於是增營防守乃撥封邱屬考城營然封邱向無衛署常寓西街關帝廟辦公及道光五年把總李國全請帑購買本城西街路北貢生張鵬揚市房二十七間略加修飭以作官署

封邱縣續志

卷五

建置志

兵制

十五

開封新豫印刷所承印

民國二年把總裁撤改駐警察所存房二十一間

見檔卷

至六年六月被官產

處標賣公款局出銀元一百五十塊收歸公有計南寬八步二尺五寸北寬

八步中長四十步東至常平倉西至董法南至大街北至孫占魁

見官產檔卷

保安大隊部 在縣署東南隅清宣統二年知縣謝葆榮創建門樓一間兩

旁臨街房各二間東西屋各五間後院北屋東西屋各三間需錢一千八百

貫係用車馬餘款民國元年縣議事會設於此今爲保安大隊部

見修築檔卷

民

國六年丈量南北寬俱八步二尺中長十九步四尺四至均鄰官地

見官產檔卷

案民國四年五月城內設立保衛總團內置正副協理二人書記一人

團丁二名提用自治公款劃四鄉爲三十分團統歸自行籌款然猶係

官督紳辦至七年遵照省令改編巡緝隊十一年該隊裁撤另設武裝

警察隊十四年改爲保安警察十七年二月更稱民團隊十月改編入民自衛團二十二年復改保安大隊部見檔卷今廢

警察所 在縣西大街路北清之城守營舊址民國二十四年與財務會交

換今在縣署東初設警佐一員巡官一員警士三十六名警佐薪俸係由財

政廳領支見民國二十年檔卷溯光緒二十五年知縣黃庭芝辦理團練設總局於署

西二十七年更名保甲局招募兵勇二十名以把總趙連璧管帶三十年改

稱巡警局提用斗捐充作常年經費宣統三年又爲警務公所民國元年改

爲警察事務所及次年裁撤把總乃移城守營址八年冬復改警察所十七

年又名公安局今仍稱警察所俱見新舊檔卷其地址詳前城守營

校場 在縣南門外三里地三十九畝爲清操演兵卒之所民國六年六月

封邱縣續志

卷五 建置志 兵制

十六

開封新豫印刷所承印

河南官產處變賣今廢見官產檔卷

諸墩台 一在小陡門正面營房一座三間配房二座共六間大門一座院牆

周圍共長二十四丈告示房一間墩台一座烟台五個木牌坊一座一在水

驛正面營房一座三間配房二座共六間大門一座院牆周圍共長三十四

丈告示房一間墩台一座烟台五個磚砌牌坊一座一在潘店集正面營房

一座三間配房二座共六間大門一座院牆一圍官廳一座墩台一座烟台

五個木牌坊一座一在黃陵集正面營房一座三間配房二座共六間大門

一座院牆一圍官廳一座墩台一座烟台五個木牌坊一座見檔卷

案通志封邱墩台僅二座其餘則道光間增築爲營兵巡防之所歷時

既久盡行坍塌其地基於民國六年均被官產處變賣

諸舖司 縣前舖司兵六名周劉曹舖司兵二十名 見檔

案封邱原設舖司兵二十六名久廢

壯丁隊總隊部在縣政府二門內民國二十三年成立 見檔 今取消 見採

附政務警察 清縣署催科訴訟傳案等事悉由兵步皂壯八班任之人無

定數且乏薪餉一遇事件肆意勒索人民苦之民國初曾通令裁撤改募政

警訖未實行及十二年雖取消兵快其餘各班存立如故至十七年間始一

律革免由各社保送壯丁編為政務警察設隊長一人其薪餉按月照發前

清積弊全然汰除

集鎮

建置志六

諸集 城內集 每日集菜市向在大街民國二十年公安局令遷舊城隍廟北邊

封邱縣續志

卷五 建置志 集鎮

十七

開封新豫印刷所承印

馮村集 在縣東北十里雙日集

大村集 在縣西十八里單日集

新安店集 在縣北十八里單日集

潘店集 在縣東二十里雙日集

荊隆工集 在縣西南二十里單日集

安上集 在縣西北二十五里單日集

陳固集 在縣西北三十里雙日集

陡門集 在縣西南六十里單日集

留光集 在縣東三十里單日集

于家店集 在縣西南三十里單日集

巨壘集

在縣東四十里單日集

黃陵集

在縣東四十里雙日集

韋城集

在縣西南四十里雙日集

案上列封邱所有之集共十有四曩以時局清平民間殷實各類商業儘可應有盡有據光緒三十二年八月知縣姜麟書調查每集舖戶尙不下數十家見檔卷近以黃災頻仍旱蝗交臻賦重差繁米珠薪桂且擗奪抬架之風愈演愈厲通觀全境村村則比戶零落市市則滿目蕭條歇業外徙者不知凡幾也雖名曰集究難成乎其集矣

倉廩

建置志七

諸倉

預備倉在縣西南隅

見順治康熙志俱同

代遠年湮基無可考民國六年河南官

封邱縣續志

卷五

建置志

倉廩

十八
開封新豫印刷所承印

產處調查謂在今之牌坊街已廢老奶廟南水坑中不知何據

見檔卷

案封舊有倉十二座共五十七間嘉慶八年河決盡毀遺址無一存者

見王爾藻交代冊

義倉

在縣東街始建無考同治間知縣駱文光改作考棚倉廩

詳正義書院

常平倉

在縣西大街路北城守營左先是乾隆五十九年十二月知縣陳

所蘊價買當商王履泰空閑會館前後房三十餘間爲各憲來往公廨

有文契見

掌故咸豐元年知縣徐鎬重修先緒二年宋夢蛟移公廨於署內而此置門吏

一人看守及六年凶歲甫脫河南總理振務局令儲谷備荒當時封邱僅有東街惠濟倉一處不敷所用知縣李永吉乃將此改建倉廩名常平倉貯谷三千三百二十七石二斗一升二合五勺民國二年歲大饑知縣郭之炎出

谷散給民食旋即補還迨至十五年存谷日罄多不堪用知縣畢升垣將所儲呈明變賣得價洋一萬一千三百三十六塊發交公款局以辦地方公益

十六年八月以此址改爲縣立師範學校今仍之

現有北上房四間東西廂房各三間過廳三間前院

東西廂房各三間頭門一間兩旁臨街房東四間西二間共房二十六間民國五年四月丈明南北同寬十三步中長三十五步三尺北上房後有空地一段即今體操場南北同寬十三步中長八步合併中長四十三步三尺計地二畝三分六釐二毫東至郭姓西至城守營南至大街北至孫姓

案常平倉康熙志謂在縣治西南隅知縣耿紘祚兩次增修有廩房二十間通志載封邱縣常平義漕等倉七十七間內貯谷倉七十四間餘倉三間其址久湮均莫詳其所在

惠濟倉 在縣學西路南廩房八間始建莫詳爲向日貯谷之所民國十五年十月知縣畢升垣將谷開脫倉廢至二十二年房基被第一小學變賣以

斯款在舊訓導宅創修教室兩座計六間

見櫺卷

惠民倉 在縣東街正義書院東偏知縣駱文光同治間於驛站改歸正道後乃勸民積穀暫假此址正擬於書院東隙地建孝弟忠信四廩而遷去未

果是倉亦廢

見櫺卷

案駱文光有興建惠民倉議籌積儲約茲附於此封邱濱臨大河地瘠民貧戶鮮蓋藏更兼土地下濕雖富戶亦不存隔年之糧是以偶遇偏災民間卽有乏食之虞且四鄉貧難之戶輕離其鄉每於歉年攜老挈幼求食於他方名曰逃荒非民之惡於聚居而樂於流離良由素無儲備救荒之策鮮也上年每穀一斗市價不及百文今年秋收稍歉市集糧價日加騰昂較之去歲幾增至兩倍有奇逐末窮民已難度日倘遇

奇荒重災欲爲閭邑小民圖保聚之方無庚癸之呼豈不難哉况當此多事之秋食爲民天不可不預爲之備本縣一介寒儒生平艱苦備嘗是以出任以來清勤自矢日以濟世救人爲念本年夏間示諭城關糧食坊共十六家凡過斗糧食令糶者每斗出錢二文以抽足十萬石爲限計可得錢二千串現在此項錢文指日即可抽足本縣另加籌勸擬先買谷二千餘石並在書院東隣隙地建孝弟忠信四廩以儲之責成書院董事妥爲經營前數年各社紳民因支辦軍需每於麥秋兩季按畝收穀麥二三四升不等備作車馬之價今本縣已將驛路稟奉上憲批准改歸正站以後延祥兩縣差使不准再繞道封邱更換車馬該紳民等旣免此無窮之害當自爲固本之計明年秋後如獲豐收每畝再

捐穀一升二十六社共計支差地四千八百頃可捐穀四千八百石連本縣籌捐谷二千數百石共可得谷七千石每年於青黃不接谷價增漲時出糶俟秋收谷賤時糶買還倉似此轉輸營運十年之後即可積谷數萬石且無久存霉變之患事歸紳董經理不准官爲動用亦無書役侵漁索擾之弊若遇饑饉之年糧價騰昂即將所存谷石按原買賤價分勻出糶祇准地少及無地貧民買食其地多有存糧之家不得貪圖便宜朦混糶買致干罰賠此卽變通古人常義社三倉遺意辦理可以歷久奉行永無匱乏或遇水旱之歲即將每年所得盈餘之谷提出一二千石設廠賑濟其原額正數總不准動缺庶惠民善政不致一旦廢棄是此舉果能行之以實持之以恆則官不傷財民獲其利較之朱

子社倉之法尤爲簡便易行何致有掘蘆菔采竹花以充飢腸之患哉倘獲年谷順成數十年中不被災荒則積谷更無限量俟儲蓄實在充裕將義倉餘息提出一萬石變價可買上地十頃以助書院肄業生童膏火此不但可以救荒年備不虞卽書院亦日益振興矣本縣興辦此事實欲爲封邱百姓圖千百年之利非等尋常小補之術該董事等均生長於此念切鄉閭諒無不各盡其心爲子孫造無窮之福且此非專爲窮民計蓋荒歉之年乏食者多未必皆肯甘心餓死必致千百成羣與富家爲難值此帑藏空虛又不能辦賑濟上司無法安撫必令地方官勸諭紳富捐輸助賑此地並無殷商巨富卽稍得溫飽之家亦無多餘蓄上爲官長派捐下爲飢民扒搶當是時不窮富兩困何以自安此

中利益人人皆知但自古有治人無治法所望該董事等永遠遵守加意經營保富救貧其功莫大倘以後司事者不能恪守章程任意惰廢或藉此以爲利藪侵漁分肥則神明監察在上斷難逃誅罰也各宜勉旃毋違此約惠民倉大門聯語法善儲積但願九年畊有三年蓄官清民富政在備荒若存一分私侵半分利男盜女娼

縣倉 民國二十二年令設倉積穀缺乏地點乃暫假舊城隍廟後院房十五間存放

郵政

建置志八

諸院 養濟院在城外西北翟母祠遺址溯清初原在城內東北隅未知何時改遷於是入民國祇存門樓一間臨街南屋一間東屋二間

見檔

其北屋西

屋原有幾間塌當何時無從考徵民國十三年六月被官產處賣訖今廢
縣立醫院 在孔子廟前院民國十九年十一月設立初名平民醫院以邑
人石錫九爲院長抵民國二十二年五月奉令改組爲縣醫院今遷於縣治
東北隅舊火神廟

振務分會 民國二十年三月奉河南民政廳第六八六號訓令轉發省振
會各市縣振務分會組織章程封邱遵照組織振務分會邑人張鳴珂杜好
義王寶善段旺林等被聘爲委員張鳴珂兼主席經費先是由該會樽節擬
定函請縣政府在地方款項下核發尋又奉令每月經費定爲七十二元但
不久卽行停支民國二十二年八月黃河漫溢全境幾成澤區乃由各機關
組織臨時水災救濟委員會運餽呼振以資救援迨民國二十五年振務分

封邱縣續志

卷五

建置志

郵政

二十一

開封新豫印刷所承印

會主席張鳴珂病故由縣政府改聘侯文波接充

見檔卷

諸義塚

一在城東南隅堤裏涯南北畛計地四畝八分七釐六毫

見檔卷

一在西關南首二段相毗俱東西畛北段計地三畝一分五釐九毫南段計

地二畝二分九釐七毫

見檔卷

一在縣西北二十里大村集東西畛計地一段畝數未詳亦未知何時購置

採訪

一在城北二十里前居廂東南隅天然渠北岸創建無碑可考相傳該村三
聖廟有僧性慈善撥香火地三畝許以供道死孤苦及無地可葬者後遂爲

義田

採訪

一在城南古黃池西清道光二十七年管河邑丞某所闢置計地二十畝有

奇同治元年督河黃贊湯復爲立石以正邊界

有重修二壩臺義塚碑記
詳文徵一衛廷傑採訪

自治

建置志九

諸自治機關 自治籌辦事務所在縣署東偏清宣統二年七月設立至民國元年四月停辦

自治研究所 在縣署西偏清宣統元年九月招生一班於二年七月畢業逮三年二月間又續招乙班生至本年十月卒業後停辦

縣議事會 在縣署東偏民國元年六月設立臨時縣議會選舉籌辦處越二月組織成立會置正副議長各一人議員二十人詳選凡一縣應興應革

事宜悉由該會議決與縣行政長處相對待地位在憲法上爲立法機關惜時期短促成效未著民國二年十二月奉文裁撤

封邱縣續志

卷五 建置志 自治

一二十三

開封新豫印刷所承印

案清宣統元年令各省舉辦城鎮鄉地方自治封卽設立縣議會而城鄉亦逐次成立但檔卷遺失無從詳考

縣參事會 設縣署內民國元年八月以知事郭之炎爲會長參事員由議員中互選四人代充之在法律爲執行機關至民國二年十二月同議會以併裁撤

自治籌備分處 在東街舊城隍廟民國十七年十一月知事張永年奉文將農村籌備處合併自治籌備分處委邑人韓其昌呂廷賓衡廷芝衡廷彥孔紹由爲襄辦員十八年三月開辦村長訓練班召集村長來縣訓練復立劃區委員會改全縣爲五區編制鄉鎮協同區區長組織區公所實行戶口調查二十年元月更名自治籌備事務所至七月職責完竣遵卽結束

見自治
檔卷

案吾封自民國以來中間屢辦自治悉未實行而檔卷又多遺失不便詳考

第一區公所 在縣署前門西路北民國十九年九月設立清光緒三十四年知縣李景晟擬立習藝所缺乏地址乃於此購民地創修門樓一間南屋二間北屋三間後院北屋五間東西屋各一間籌需公款六百三十餘串嗣後該所改遷遺址頻被自治研究所守望社城議事會等機關所借用今又改第一區公所據民國六年丈量南北俱寬十一步四尺中長十七步計地八分三釐六毫東至夥巷西至董姓南至大路北至官坑

統見修築檔卷及調查官產檔卷

民國二十五年代理區長倪不畏將院址往東開拓直接縣署頭門

見採訪

第二區公所 在縣西北十五里塔北鄉民國十九年設立係租賃民房

封邱縣續志

卷五

建置志

自治

一二十四

開封新豫印刷所承印

第三區公所 在縣東北十八里馮村集東街係租民房民國十九年設立
第四區公所 在縣東北三十五里留光集民國十九年九月組織成立初設第三區所屬之留光集迨二十年遷本區之潘店集惟斯地位居西陲對於東隅照顧難周於是呈請縣政府准將留光改歸第四區民國二十二年復東遷留光集今仍之

見歷次檔卷

第五區公所 民國十九年設立城西南之安莊民國二十三年四月經區長齊倫移於荆隆工集

見來稿

案民國二十一年十一月省令停辦自治施行保甲凡保衛團區鄉鎮閭之名暫行停止封於十二月一日縣長鄧煌晉遵照編查保甲戶口條例改自治區爲保甲區取消鄉鎮名稱以戶爲單位戶設戶長十戶

爲甲甲設甲長十甲爲保保設保長他如編訓壯丁清查戶口等要政

循序措辦

見檔卷

區署 民國二十五年元月本縣奉令取消區公所改設區署將原有之五區按照分區辦法合併爲三區

另詳地理志

第一區署仍設城內舊第一區公所

址

詳前

第二區署設縣東留光集南街第三區署設縣西大村集內置區長一人區員二人書記一人錄事二人區丁二人每月經費第一區署一百九十元其第二第三兩區均二百二十六元云

實業

建置志十

諸農業 縣農會清宣統二年由農務分會改組民國十七年二月停辦

見檔卷

至二十年二月奉令復成立附設縣黨部舉邑人季樹聲李國賢爲幹事統

封邱縣續志

卷五

建置志

實業

二十五

開封新豫印刷所承印

計全縣會員一千零三十八人

見黨部卷

農事試驗場 在縣東北三里李莊民國六年六月設立場長薛克明十年

改委張雲亭十二年復易薛克明十三年歸併實業局局長李若恆在此創

修園丁室三間

見檔卷

水利支局 在西街關岳廟初名水利會民國九年四月改爲水利分會十

二年局長暴奉祥奉令更名水利支局十六年歸併建設局

見檔卷

案吾封東多沙漠西廣淤鹵南濱黃河北近滑境蕞爾小邑絕少沃壤而農民又墨守舊法不知改良種植倡興水利雖不惜血汗以圖生活偶遇旱潦則束手聽天民國以來設立農會水利會及農事試驗場官紳極力提倡奈風氣不開殊鮮功效也

諸林業 農林會清宣統三年成立民國二年停辦見檔卷

苗圃 在縣東北三里李莊民國五年設立邑人靳立中充圃長十一年改委李永昶十三年歸併實業局既而苗圃又成獨立機關改爲林業局委邑人孫桂五充局長十六年歸併建設局侯立中來稿

官設桑園 在城外東南隅城濠南岸清光緒三十三年知縣姜麟書種湖桑二百餘株因地勢高燥不甚適宜今廢見檔卷

中山紀念林 在縣西關準提庵南計地八畝原屬該廟之產收歸公有民國十七年各機關於植樹節日在此種椿榆雜樹千餘株名曰中山紀念林成活頗多現大者拱把有足以壯觀瞻也

林業合作社 民國二十二年邑人范蘭張桂林楊惠周法耕等籌定南門

封邱縣續志

卷五 建置志 實業

二十六

開封新豫印刷所承印

外迤東迤西城濠上沿地與城外東南隅及西南隅之義塚地共四段移苗圃中柏榆槐柳等樹秧分植各地成活頗多是不獨利用廢地亦以提倡林業之舉也

森林業 縣境濱沙村莊恆植檉柳以杜飛沙故此會所在多有民國二十二年齊寨齊廣彩齊慶瑞齊慶崑和寨李廷璧等更聯合隣村呈准縣府組

織森林合作社見檔卷

案封地徧小無林業之可言惟民國十七年建設局在護城堤顛徧植雜樹成活無算現李莊舊苗圃內猶有桑柏榆槐等木每當春季凡公有隙地咸准領栽林業之足紀者僅此近又發啟林業合作社農林合作社等團體庶或開其先聲乎

蠶絲業 縣境桑園既少蠶業自難發展往日四鄉及韋城一帶養蠶之家尙有每年可收繭二千二三百斤近年農村凋敝謀食不暇故饑者絕少間有婦女餵養無非掇取雜葉出品安能優美據今調查縣境約計收繭一千二三百斤得絲一千一百餘兩較前更形衰落云

見採訪

諸工業 習藝所在縣署西清光緒三十一年六月提車馬餘款開辦中置司事一人藝師一人以罪犯及游民入習之內分織帶打繩打線織布編簾等類年可成貨一千五百餘件推銷本境尋廢

見稿

官設平民工廠 在縣西街關岳廟創於民國十七年售該廟香火地充基金以邑人王健東爲廠長十九年停辦

候立中來稿

私設織染工廠 在縣東街舊城隍廟東院民國十八年邑人齊倫集股設

封邱縣續志

卷五 建置志 實業

二十七

開封新豫印刷所承印

立內分織染兩科各置藝師一人前設售品處中附軍衣局近以市面蕭條

貨品頓滯暫停

見來稿

磚瓦窯 磚瓦爲建築所必需故各區皆有窯統計五十餘座

見採訪

諸工會 建築工會民國二十年二月二十日成立會員統計五十一人

見黨部卷

理髮業工會 民國二十年二月二十一日成立會員統計五十人

見黨部卷

廚業工會 民國二十年二月二十二日成立會員統計七十二人

見黨部卷

商業 商務會在西大街關岳廟西院北屋三間卽封父亭故址西屋三間係空房清宣統三年知縣文械期以聯絡商情組織斯會假此爲辦公地點於

七月間成立

有商務分會簡明條規詳掌故

案封邱商業當清末季典舖縣內有人和典中正典留光集有興泰典

鹽店有官運鹽務局其次錢業估衣京貨糧行充闕塞闈應有盡有及
民國以來釐捐雜派層見叠出巨商因而歇業回籍市面交易頓成僵
局其他各商因洋貨侵入利權外輸浸益不競是在主持市政者極力
挽回勿任日就蕭條也

交通

建置志十一

郵政 封邱郵政創辦於清宣統元年初在城內設代辦所一處經理人邱澤
潤祇以寄送函件無甚發展民國二年四月初十日實行裁驛歸郵則政府
往來公文儘歸傳遞至六年十一月二十四日改升二等郵局並開乙類匯
兌自此逐漸擴充在留光集陳固集荊隆工集設立代辦所馮村集西林庄
舊黃陵集新黃陵集安上集東大村集設立信櫃現任局長王聘三近又改

封邱縣續志

卷五

建置志

交通

二十八

開封新豫印刷所承印

擬舊日郵站尤覺便捷而利行也

據郵政局來稿

案通志封邱現設遞馬六匹塘遞等夫十二名歲支夫馬工料等銀雍正九年爲四百七十三兩三錢遇閏加銀三十七兩八錢至乾隆三十二年減爲二百八十四兩九錢一分過閏照例加增及清末實支七成銀二百三十餘兩民國二年裁驛歸郵以抵裁免

見裁驛歸郵檔卷

電政 長途電話創自民國十八年一月縣長張永年奉令架設縣政府裝置話匣西達延津及新鄉等地則消息互通頗稱便利

見檔卷

今則河底電綫亦

告成功逕可眞達開封矣

見採訪

環境電話 民國二十年十二月架設於縣政府設總局一處令區公所中各置電匣直達縣內遇有公務彼此磋商雖相距迢遠如晤一堂

無綫電 設置於縣黨部民國二十年購無綫電收音機一架省黨部委邑

人王德高為收音員收京滬漢杭等處廣播電台消息每日一張分送各機

關二十三年改屬縣政府其經費月發三十元在建設項下開支見來稿及檔卷

汽車路 北起道口南至柳園河口謂之道柳車路所經封界長凡四十餘里

民國二十一年九月二十八日奉令修築建設局長李忠厚就南北正道開

寬加厚至十二月初二日將本域應修車路綫一律告竣後見檔卷及建設局來稿河

南建設廳開辦長途汽車租縣北街三遠店民房設置封邱汽車站每日開

往柳園河口二次道口一次而延封路即延津至封邱封長路即封邱至長垣雖已築就而

汽車尙未駛行採訪

道路 有縣道區道鄉道鎮道之別吾封之區鄉鎮道猶以仍因舊制未曾改

封邱縣續志

卷五 建置志 交通

二十九

開封新豫印刷所承印

修若縣道久已開拓宏暢中高傍低挖溝樹柳以告厥成即城內市道凡臨

街茅厦蘆棚及門臺外出有礙之處通令拆去無防交通

橋梁 計採得者二十有九備列於次

東門吊橋 在縣東門外城濠上

南門吊橋 在縣南門外城濠上地勢窪下每值大水恆越橋以灌城中民國十三年縣長劉啓泰邀邑紳耆捐資修墊並於城門處安置木閘

以防現存

西門吊橋 在縣西門外城濠上

北門吊橋 在縣北門外城濠上

按上四橋已見城池條皆堅固平夷頗便交通

學前橋 在文廟南百餘步又名青龍橋清代官紳屢修葺今圯

廣濟橋 在縣大東關堤埠口

沙河橋 詳舊志久被沙浸其址無考

仙官橋 詳舊志其地現有斷碣一方橋已圯

按上四橋雖建於明及清代而官紳屢修乾嘉間黃河告決沙河橋被水浸沒詳不可考其餘三橋入民國始相繼圯然遺跡猶存故列之

小橋 有二一在縣政府西已圯一在邊胡同現存

三里莊橋 在文岩渠上

牛所橋 在文岩渠上

丈八橋 有二丈八尺名舊名南宮村因村中有橫溝一道明萬曆間創築一橋長一丈八尺名曰丈八橋後因以名莊精康熙二十一年重修尋溝

湮橋廢雍正五年開文岩渠經村之北口架橋於此俗又呼丈八橋

封邱縣續志

卷五 建置志 交通

小沙橋 在文岩渠上舊名清平橋

車廂橋 在村南天然渠上

留固橋 在村北文岩渠上

大村橋 在村東天然渠上

邢家橋 在塔兒碑村東南天然渠上相傳此橋為邢姓所修因以名之今圯

前吳村橋 在天然渠上

桑村橋 在村南支渠上

何村橋 在村東支渠上

劉村橋 在村西支渠上

牛廠橋 在支渠上四村前後共橋

宋所橋 渠上

王莊橋 渠上

案吾封東南二面雖有黃河之亘繞而境中却無一澤一流之足言可紀者惟清雍正間人工開鑿天然文岩支渠三渠而已人於其所經之村莊或穿貫之大路用磚石架橋其上以便往來特橋名多不可知而圯者跡又難考茲本採訪所得冠以所在村名自知遺漏錯誤之處正恐不少也

坊表

建置志十二

諸坊

節孝坊

在縣東四十五里大岸雍正十一年為該村增廣生員王九我之妻謝氏建現存

行協天經坊

在縣牌坊街清雍正十二年為候選州同呂廷琰建現存

封邱縣續志

卷五

建置志

坊表

三十一

開封新豫印刷所承印

孝行坊

在縣東留光集南街清雍正十三年為本集孝子鄧錫爵妻王氏立現存

節孝坊

在縣西南黃莊清乾隆二年為儒士黃玫妻李氏立現存

節孝坊

在縣東街清乾隆十四年為文生范道恕妻王氏立現存

節孝坊

在郭辛莊清乾隆二十一年為儒童張昇妻黃氏立現存

熙朝人瑞坊

在縣北汪賈村清乾隆二十七年汪國鼎年百零四歲被旌以熙朝人瑞至嘉慶四年建坊本村現存

節孝坊

在縣東黃陵集清乾隆三十六年為該集監生趙守禮妻郭氏立現存

節孝坊

在縣西北安上集清乾隆間為本集杜永安妻鄭氏立今圯

貞烈坊

在縣西南荆隆工北清道光六年十二月知縣邢為王留柱未婚妻姚蘭姐建因係木質已圯

清標彤管坊

在縣東沙崗清道光十六年為高某妻方氏立現存

節孝坊

在縣東油房寨清同治十一年為該村儒士張宜妻王氏建今圯

案上坊表俱係清代所建而有明諸坊已載舊志今亦無存故不贅

祠祀

建置志十三

諸壇

社稷壇在縣城西南隅

舊志謂在西門外今據新採訪

計地七分四釐四毫清每歲春

秋二仲上戊致祭入民國祀廢十二年七月被官產處賣訖

見檔卷

案周禮小宗伯建國之神位右社稷左宗廟社祭土神稷祭穀神人非土無以立非穀無以養國以民爲本故建國以社稷爲先郊特牲社祭土而主陰氣也土亦是地而與祭地異者隕然下凝皆地也其職主載惟天子得祭之於地之中別而爲土職主稼穡以養人洪範土爰稼穡是也故自天子下及庶民被其功德者均得美報此土穀之祭所以達乎上下也世儒以祭社爲祭地誤矣

封邱縣續志

卷五

建置志

祠祀

三十二

開封新豫印刷所承印

又案漢書郊祀志自共工氏伯九州其子曰勾龍能平水土死祀爲社有烈山氏王天下其子曰柱能植百穀死祀爲稷湯放桀欲遷夏社不可乃遷烈山子柱而以周棄代爲稷

先農壇

在縣東郭外玉皇廟東北隅清雍正五年知縣朱于宣創築壇前

置藉田五畝四分八釐

見壇前碑及檔卷詳掌故

清每歲春秋亥日致祭所得米粟敬謹

收貯以供粢盛

見皇朝通典

民國六年官產處標賣公款局以公資購置

見檔卷

案國語司空除壇於藉漢舊儀春始東耕祀先農以一太牢先儒謂先農神農也立壇於田所祀之其制度如社稷壇後漢藉田儀正月始耕常以乙日祀先農晉以太牢已享乃就耕位宋元嘉中制地千畝立壇於中耕日以太牢祀先農後魏太武天興中祭先農用羊一北齊藉田

中作祠壇廣三十尺四階三壘四門正月上辛亥日祀先農於壇上無配唐太宗親祭先農藉於千畝武后改藉田壇爲先農壇則壇於祀其由來亦已久矣

風雲雷雨山川壇 在縣南門外八蜡廟左計地一畝二分五釐清每歲春

秋二仲月上戊致祭入民國祀廢十二年被官產處變賣

見檔卷

案風雨雲雷之屬皆陰陽闔闢噓吸之氣也謂各神司之者蓋有一物必有一物之精氣物愈大則其氣之發揚變化者亦愈不可測故謂之神鄭司農注周禮云風師箕也雨師畢也皆以星宿目之顏師古注漢書則云風伯飛廉也雨師屏翳也志既言二十八宿又有風伯雨師則知非箕畢二說皆非也洪範所謂好風好雨者特以星稟陰陽五行之

封邱縣續志

卷五 建置志

祠祀

三十三

開封新豫印刷所承印

氣而風氣燥雨氣潤其氣同者自足相感召故月行至箕畢恆有風雨之應如民之有嗜好然乃取以相况非爲二星卽風雨之神也據易巽爲風坎爲雨則風雨固屬陰陽之氣所爲氣感而神卽憑之此所以有風師雨師之名周禮以實柴祀星辰又以禋燎祀風師雨師使二神卽箕畢則星足以該之何故別言於下而其祀之之法又有實柴禋燎之異也此可知鄭說之未的矣顏氏據漢志而知風師雨師非箕畢良是但楚辭而爲之名字非有經典儒者所不敢道也

厲壇 在縣北門外堤埠口左每歲清明節七月望十月朔設厲壇祭無祀

鬼神以城隍主之入民國祀廢故址猶存

見採訪

案明史禮志厲壇祭無祀鬼神春秋傳曰鬼有所歸乃不爲厲此其義

也祭法王祭泰厲諸侯祭公厲大夫祭族厲士喪禮疾病禱於厲鄭注謂漢代民間皆秋祀厲則此祀達於上下矣然後世皆不舉行洪武三年定制王國祭國厲府州祭郡厲縣祭邑厲皆設壇城北以城隍神主之

諸廟 孔子廟制詳縣學

案孔子卒於魯哀公十六年至十七年公爲立廟舊宅置卒守焉是爲孔子有廟之始後齊時郡國皆於城內立孔顏廟爲外郡設學立廟之始唐太宗貞觀四年詔州縣皆立孔子廟爲州縣學立廟之始明清統稱文廟民國三年禮制館以孔子之道非一言之美可以節惠定諡者比始從最古之稱定爲孔子廟餘詳典禮中

封邱縣續志

卷五 建置志 祀祠

三十四

開封新豫印刷所承印

關岳廟 在縣西街路北舊稱關帝廟舊志自明以來屢加修葺殿宇五十七

間市房十七間見復查廟產檔案民國二年陸軍部呈請合祀宋岳飛改爲關岳廟

從祀者二十四人詳典禮

城隍廟 在縣東街南向詳舊志清乾隆六年知縣戴兆復舉人佛熙等重修

迄光緒二十年山陰謝葆榮宰是邑以廟貌又多剝落也洵人士之請先出廉金並施募化以邑紳張銳黃鶴鳴董其役張桂國黃文運勸助之首將正殿三間拜殿三間東西兩廊各七間二皂廳三官廟土地祠鐘鼓戲樓月台甬路門前照壁鳩工繕治次第及後院之寢宮三間右旁皂君廟三間左旁老君廟三間羅祖廟三間東火房三間迤南廣生殿三間盡撤舊而更新之東屋六間東樓四間亦補葺其神像塑以金碧棟榱飾以丹楮工起於光緒

甲午之春迨丁酉之夏越四年方歲事訓導樊振家有記見文獻民國十二年夏又將大殿寢宮兩廊皂廳老君殿以及門前鷹虎二將周圍牆垣重修十七年春偶像被廢後在此設立自治籌備處及停辦又爲民衆教育館民二十五年教育館改遷教育局保立初級小學設此

案兩般秋雨盦隨筆載城隍二字始於秦之上六禮天子大蜡八伊耆氏始爲蜡注伊耆堯也蜡神八水庸居七水隍也庸城也春秋鄭災祈於四鄙宋災用馬於四鄙鄘墉庸同由此推之祀城隍蓋始於堯時城隍之有廟則始於漢末太平府志云城隍廟在府承流坊赤烏二年創建其後祀之者則見於六朝如北齊慕容儼以祀城隍破梁軍是也他如韓昌黎張曲江李義山杜文貞俱有祭城隍詩文五代錢鏐有重修

牆隍廟記以城爲牆者避朱全忠父名也其封城隍爲王者見於後唐廢帝清泰元年封城隍而及其夫人者見於元文宗天歷二年洪武初詔天下府州縣建城隍神廟封京城隍爲帝開封臨濠東平和除爲王府爲伯縣爲侯至以人鬼爲城隍者見於蘇緘傳緘殉節於邕州交州人呼爲蘇城隍其後范旺守城死邑人爲像城隍以祭清朝查初白先生言今江西城隍爲灌嬰杭州城隍爲南海周公新其他如粵省以倪文毅爲城隍雷州以陳馮寶爲城隍英德以漢紀信爲城隍諸如此者不可勝紀按城隍乃主城郭之神而世傳爲治陰間之事則又見夷堅志今七月二十四日爲都城隍誕辰相傳是日爲築城之始云

火神廟

在縣治東北隅清初僅九楹

詳舊志

後復增築戲樓住持房十餘間

皆建貞珉以記顛末民國十七年偶像毀戲樓西廊同被拆建設局又議標售廟碑主事者私將所有儘匿壁中而歷來重修年月因無從考 一在縣西關路北房四間 一在縣西南三十五里于家店 一在縣西南四十五里韋城廟一間市房十五間香火地八畝上俱見復查廟產檔卷

案民國十七年內政部頒神祠存廢標準以古人祀火星示不忘先世始爲火食之人並以祝融鬪伯爲火祖配享火星尙不失祀火之旨宋熙寧間詔天下各建火帝君殿今俗塑爲偶像戟鬚虬髯謂能禍於人失其意矣

二郎廟 在西門內迤南三楹舊志後又修築兩廊山門廟房共十一間市房六間民國十七年像廢改作校址見調查廟產清冊今爲聯保辦公處

案道書稱二郎爲清源真君朱子語錄云蜀中灌口二郎當是時李冰因開離堆有功立廟今時現許多靈怪乃是他第二兒子據此則二郎爲秦將李冰之子冰命子二郎鑿離堆山開渠引水灌成都十一州縣之田有功於民蜀人祀之清雍正五年詔封李冰敷澤興濟通佑王二郎爲成績廣惠顯英王俗以演義之謬謂二郎爲楊戩稱楊二郎非也馬王廟 在縣治東舊馬號內一楹久圯 一在縣前東南隅文昌閣西三楹今廢

案周官春祭馬祖鄭注天駟星也明史禮志有夏祭先牧始養馬者秋祭馬社始乘馬者冬祭馬步乃神之災害馬者隋用周制祭以四仲之月唐宋因之明永樂十三年詔立馬王廟則馬神之祀達於天下矣

玉皇廟 在縣東郭外西向舊志共房三十五間地十六畝民國十七年藉辦

初級小學校 一在縣西北二十里安上集房四十六間民國十七年村人

創辦第七小學校於此上俱見復查廟產表

藥王廟 在縣東郭玉皇廟內北屋三楹民國九年醫藥界倡捐及募化創

修 一在縣東三十里留固房一間

東嶽廟 在縣東門外池志南向舊有大殿兩廊山門共房十八間古柏一株

冬夏葱萃民國十七年廟產充公漸次拆除房木盡廢 一在縣東三十五

里留光集 一在縣西南六十里大陡門集房十間清雍正十三年修上俱見調

查廟產及復查清冊

財神廟 在縣東門外東嶽廟之左正殿三間火房二間皆南向民國七年

封邱縣續志

卷五 建置志 祀祠

三十七

開封新豫印刷所承印

重修今俱廢見探訪

土地廟 在縣東門外東向久廢 一在縣西北五里方莊一間 一在縣

東八里齊寨民國十六年被拆 一在縣西北十里宋所一間

案公羊傳注曰社者土地之主也俗稱里社之神曰土地本此孝經緯

曰社者土地之神土地闕不可盡祭故封土為社以報功也通俗編曰

今凡社神俱呼土地惟塋旁所祀稱后土邱濬家禮儀節曰溫公書儀

本開元禮家禮本書儀其喪禮開塋域及窆與墓祭俱祀后土后土之

稱對皇天言土庶家有似乎僭矣文公集有祀土地文宜改后土以為

土地之名

先醫廟

附廬神廟

在城外小東關堤口下俗稱三皇廟祀伏羲神農黃帝兩側

以歷代名醫十人配大殿山門各三楹東有菩薩殿一楹西有瘟神殿三楹住持房北屋三楹西屋三楹火房二楹始建無考歷清康熙乾隆道光同治朝頻修葺民國十七年取締偶像改作校舍見採訪

三官廟 在縣西門外東向舊志大殿山門各三楹市房十七間民國十七年

改作初級小學校 一在縣西十里宋所三間 一在縣東二十里潘店集

上俱見採訪

濟瀆廟 在縣西門外之三官廟北南向廟前有知縣駱文光改正駟跼碑與禁差繞道碑兩座左右竝立文詳掌故

八蜡廟 在縣南關外清順治七年河決圯於水至康熙三十年知縣孟鏐

始修復有碑記詳文徵房二十四間香火地八畝每歲春秋二仲月上戊致祭民國

封邱縣續志

卷五 建置志 祀祠

三十八

開封新豫印刷所承印

十七年像毀房被縣政府及各小學校分拆今廢見檔卷

碧霞元君廟 在縣北關南向舊志俗呼泰山廟房三十三間路南有戲樓三

間民國十七年歸併第九小學校 一在縣南范莊房二十一間 一在縣

東十二里西黃村營房十一間 一在縣北十二里小城莊房十間 一在

縣北十八里新安店集房十三間 一在縣南二十里堤頂大工房十五間

民國十七年改建第四小學校址 一在縣西北二十二里東仲宮村房三

十間地五十五畝 一在縣西南二十五里天鵝坡房二十九間地十六畝

一在縣東三十五里留光集 一在縣東北三十五里青堆莊房二十八

間此廟所在有之不可備載姑擇形式較大者錄之上俱見復查廟產檔卷

案古以爲東嶽大帝之女蒿庵閑話稗史云元君漢時仁聖帝前有石

琢金童玉女至五代殿圯像仆童泐女淪於地宋真宗東封太山還滌手池內一石人浮水面出而滌之玉女也命有司建祠奉之號爲聖帝之女封天仙玉女碧霞元君

大王廟 在縣南門外南向初祀黃大王金龍四大王朱大王三神後增以栗大王神像創建於順治十八年嘉慶八年圯於水至次年知縣蔣萬甯重修道光十三年咸豐六年光緒十九年復改建大殿西廊山門各三間見碑記

民國二十六年大殿圯其西廊山門猶存見採訪

一在城南封丘汛十一堡荆隆工附近有房十六間建始於嘉慶九年迨道光二十二年又續修 一在封丘汛十五堡桑園東頭嘉慶九年創建房十二間方亭一座中立御製碑二一漢文一滿文東西並峙乃記衡工決口及

封邱縣續志

卷五

建置志

祀祠

三十九

開封新豫印刷所承印

合龍事也

記詳文徵

今房亭俱拆惟二碑猶存

一在縣西南二十五里鐘灤城

一在縣北二十五里後車廂莊房十一間地三十畝已辦學校

上俱見復查廟產檔卷

案黃大王諱守才字英傑號對泉姓黃氏河南偃師人其先世居晉洪洞遭紅巾亂遷偃數世生王王生爲明神多著異跡幼失怙恃未讀書迨四十後於書無所不通儒生求講經書者王皆爲開發大意微顯闡幽多註家所未到於是四方請業屢滿戶王生明萬歷三十一年十二月十四日卒於清康熙二年十二月十四日壽六十二歲卒後屢顯靈佑乾隆三年三月二十五日河臣奏請祀

金龍四大王姓謝名緒宋會稽諸生兄弟四人王最少居錢塘安溪謝太后侄也三公北行公投安溪死門人葬於鄉之金龍山明太祖呂梁

之捷神顯靈遂勅封金龍四大王立廟於黃河堤上江淮河漢屢著靈異

朱大王諱之錫字夢九號梅麓義烏人順治進士累官兵部尚書河道總督治河殫竭心力每當各工並急則南北交馳寢食俱廢康熙十二年八月河道總督王光裕上疏言之錫生而盡瘁歿爲河神王文簡池北偶談亦載之迨乾隆四十五年始得勅封爲助順永寧侯以後歷次加封皆仍侯號無大王之稱雖李氏所輯國朝先正事略成書在同治時亦未言及惟陸燿治河名臣小傳言之豫河兩岸往往私自肖像立廟稱爲朱大王則今廟祀之稱所由來也例以栗恭勤公之封號則尙書之稱大王固允於人心矣

栗大王諱毓美字友梅諡恭勤渾源人嘉慶間以拔貢官河南知縣道光時官至東河總督修築堤岸始以磚易楮石終其任五年河不爲患省官銀至百三十餘萬年六十三歲卒於河防工次上聞震悼卹典綦厚河南人如喪考妣公祠處處祀之及歿之明年河決開封各官晝夜堵築當合龍之際河上忽來一蛇衆謹迎之蓋河將合龍河神必化蛇至有黃大王朱大王齊大王等神老於河工見蛇之色而知爲某某當稱其號以金盤迓之蛇卽躍入以河督肩輿迎之廟中祭賽數日俟合龍蛇乃不見是役也蛇作灰色非向所見者歷祝以某某大王均不爲動衆皆惑巡撫牛公鑑聞之至河濱一見咤曰是栗大王耶蛇遂躍入盤中越日下埽平安葺事衆向巡撫曰何以識爲栗公耶曰栗公項下

有白頭風周圍似玉我見此蛇頸有白圈疑是渠化身呼之而應渠真作河神矣於是奏請以公列入河神祀典

元帝廟 在北門外南向

舊志

民國十七年第九小學校設立於此 一在縣

北八里大馬寺庄房二十四間地八畝民國十七年村人藉以開辦初級學

校 一在縣西北三十里東守宮村房十三間地二十九畝

上俱見復查廟產檔卷

魯班廟 在縣北門外玄帝廟西側南向有大殿三間山門三間民國十七

年併於第九小學校 一在縣東北十八里馮村集

案趙岐注孟子以公輸子名班魯之巧人故稱魯班或以爲魯昭公之子廣陽雜記辨之世盡以公輸子魯班爲一人閱太平廣記載魯班燉煌人莫詳年代巧侔造化又六國時有公輸班爲木鳶以窺宋城古樂

府誰能刻鏤此公輸與魯班則明係兩人不得謂公輸班卽魯班也

洪山廟 在縣西北八里瓦窰店村一楹 一在縣東北十三里岳寨三楹

案神宋人中州雜俎載神在世日耕田留隙地不耕主人怪而視之內有鳥卵三四不忍傷故耳主人乃熟其卵雜菜中食之方問焉神告以故主人曰吾已破卵供汝之食矣神察之果然遂以刀破腹而死後爲洪山大王亦稱洪山真人

龍王廟 一在縣北八里王瓦窰東首路北大殿三間東西兩廊各三間火房二間東小殿一間山門一間地十八畝民國十七年被縣立第六小校變賣置辦校具 一在縣西北十里劉村房一間 一在縣西北十里牛廠房一間

關帝廟 在縣東南十二里襄留橫莊房十六間自改第二小學校址後易制增華建築櫛比詳教育留橫小學校條 一在縣北二十里前居廂房二間 一在縣西北三十五里梅家口房九間 一在縣東五十里黃陵集房

六間 上俱見民國十七年調查廟產清冊

閻王廟 在縣東十八里張光房五十三間地三十五畝創修無考民國十七年藉辦初級小學校二十年重修 一在縣東三十五里留光集民國十七年劃歸第三小學校

先蠶廟 在縣西北二十三里西仲宮莊房一間始建無考清同治間重修光緒六年復改建 見採訪

案陳氏禮書先蠶呂氏月令言薦鞠衣於先帝不言享先蠶唐月令言

開封新豫印刷所承印

薦鞠衣於先帝又言享先蠶考之於古食必祭先倉灶必祭先炊視學祭先聖先師養老祭先老射祭侯師祭禡則將蠶而享先蠶蓋禮然也漢儀以中牢羊豕祭蠶神曰苑窳婦人寓氏公主凡二神晉武帝時先蠶壇在皇后採桑壇東南北齊爲蠶壇每歲季春谷雨後吉日使公卿以一太牢祀先蠶黃帝氏於壇上無配如祀先農禮訖皇后乃躬桑後周皇后至蠶所以一少牢親進祭奠先蠶西陵氏神二嬪爲亞獻終獻隋制先蠶壇於宮北三里爲壇季春上巳皇后服鞠衣以太牢制幣祭先蠶周一獻之禮唐制亦皇后上巳享先蠶遂以親桑李林甫釋月令曰先蠶天駟也先蠶之神或以爲苑窳婦人寓氏公主或以爲黃帝或以爲西陵氏或以爲天駟歷代儒者議論不一然則蠶其首馬首其性

喜溫惡濕其浴火月而再養則傷馬此固與馬同出於天駟矣然天駟可謂蠶祖而非先蠶者也蠶婦人之事非黃帝也史記黃帝娶西陵氏而西陵氏始蠶於志無見漢祀苑窳婦人寓氏公主二人此或有所傳然也

黨將軍廟 在縣南桑園河堤十五堡創修於清乾隆三十四年房六間

見豫

河志今餘三間

探訪

案將軍諱住河南封丘人順治二年金龍口開欽命工部侍郎修之限二月工竣費萬金未成聞黃大王名敦請求策王至令點河夫內有名黨住者王留之曰是人將爲神送百金於其家捲將軍於埽中入水少頃見一藍手如箕出水面官民怖恐請王視之叱曰封汝將軍之職隨

封邱縣續志

卷五

建置志

祀祠

四十三

開封新豫印刷所承印

班侍直手卽隱堤工成光緒十二年勅封爲將軍

見會典事例豫河志同

河濱廟 在縣西南二十五里荆隆工集廟房二十五間市房二十一間民

國十七年改作縣立第五小學校舍

呂祖廟 在縣西南二十五里荆隆工集建於清光緒丁卯年孟冬月房二

十三間民國十七年劃歸第五小學校

太子廟 在縣北二十五里前居廂西首一間中置木主外建石碑然字皆剝落不可辨識

案明史諸王世表康懿王有焜爲太祖孫周定王櫛之第十一子也宣德二年封於封邱成化三年薨而此廟所祀或卽有焜太子歟

諸祠

封父祠三楹在治安坊西北

兩舊志

乾隆三十七年知縣侯於鄧以此處

久被湮沒盡成水區乃出俸勸捐於西街關帝廟之右建正殿三楹拜殿三楹將祠遷此改稱封父亭

侯於鄴重修封父亭碑記見文徵

另詳古蹟封父舊亭條

翟母祠 在縣治西百餘步南向後濱水坑規模矮小民國十七年被廢祠前有井俗呼翟母井猶存

案太平寰宇記引魯國都記云衛地之延鄉漢高祖與項羽戰敗於此有翟母免其難後以延鄉爲封邱縣以封翟母大清一統志所載與此同

百里使君祠 在縣東北五里廟岡祀漢百里嵩歷清乾道光緒間累修築有房三十六間向日舊習凡雨愆期有司迎主祈禱光緒六年勅加普佑封號頒發千里秋成匾額其塚在祠西另詳該條民國十七年於此設立第六

封邱縣續志

卷五 建置志 祀祠

四十四

開封新豫印刷所承印

小學校

俱見
檔卷

孟子祠 在縣北十里前馬寨西首南向其創建年代無可考今房舍頽廢遺址猶存

見探
訪

二程祠 在縣東十八里永頭正殿祀宋程明道程伊川以游楊等七十八弟子配享兩廡共房十七間亭二所創建於有明至清道光元年裔人之居是鄉者醵金重修道光六年河南巡撫程祖洛贈以顧余蒸嘗匾額並題楹

聯今俱存

見探
訪

子路祠 在縣東北二十里戚城

舊志今廢

晉王祠 在縣西南二十五里小陡門

舊志

祀唐李克用房六楹係清道光元

年重修今改初級小學校校舍

見復查
冊 廟

貞烈祠 在縣東北三十五里青堆祀息氏舊志大殿三楹祠前有息氏塚

案舊志所載循吏生祠今俱無存故略

諸庵 準提庵在縣西關南向房二十八間迤南有地十七畝民國十七年毀
偶像廟產被縣政府公安局師範學校分拆今正殿兩廊以及山門各處已

拆見調查清冊及採訪

圓通庵 在縣東北三十五里王河房十一間採訪

五龍庵 在縣東北四十里馬村有房十五間村中在此設置初級小學校

採訪

旺龍庵 在縣東五十里潭村房二十三間採訪

諸堂 三教堂在縣小東關堤口內南向清初為三清廟詳順治志及後重修鄉人

封邱縣續志

卷五 建置志 祀祠

四十五

開封新豫印刷所承印

拘泥舊例仍名三教堂民國十七年被廢 一在縣東四十五里黑塔田東

首房九間採訪 一在縣西南四十五里邢堂大殿兩廊共九間 一在縣東

五十里大山呼房九間今改初級小學校舍復查廟產清冊

白衣堂 在縣東門內北向舊志正殿三間西屋南屋山門共九間以累修葺

均尚堅固採訪 一在南門內迤東北向舊志一間民國十五年補葺 一在縣

北十五里紀店創修於明萬歷四十五年今有房十五間為村人聚會辦公

所 一在縣東北三十五里裴固莊房九間 一在縣西南四十五里朱莊

東首大殿三間清同治間重修

觀音堂 在縣南門外北向大殿拜殿兩廊山門共房十四間民國十七年

被建設局變賣今廢 一在縣西南三十里辛口莊三間清康熙二年創修

乾隆十二年重修

諸寺 普照寺在縣內東南隅今廢

水陸寺 在縣內東南隅普照寺西偏始建無考唐乾元二年重修

有碑現存舊城

隍廟詳金石久廢

薦福寺 在縣東二十里潘店集殿宇盡廢以神係鐵像尙在露處亦缺而

不全

淳于寺 在縣東北二十里淳于莊南向房二十四間已改初級小學校舍

龍泉寺 在縣西北二十里塔兒碑莊計房二十間地四十畝村中以此款

藉辦初級小學校 一在縣西南三十里蔡寨房十一間已辦學校

三台寺 在縣西北二十里馮馬台房十八間地一百一十畝民國十七年

略加修理改作初級小學校舍

觀音寺 在縣西北二十里大村集房十九間

南宮寺 在縣西北二十里東丈八莊南向大殿中殿兩廊山門火房共房

十八間

崇福寺 在縣西二十里石碑志舊寺分三院房共五十七間地址長三十六

步寬二十四步歷乾隆嘉慶道光同治光緒累修葺見調查廟產檔卷

應舉寺 在縣西北二十里應舉

崇興寺 在縣東北三十五里東吳村

清源寺 在縣西北三十里東史固房十六間地二百畝民國十六年改作

縣立第八小學校舍

大道寺 在縣西北三十里付固房二十一間今改校舍

報恩寺 在縣西南三十里辛口

永寧寺 在縣東北三十五里青堆房十五間按調查廟產表作寧禪寺今從舊志

雲峯寺 在縣東北三十五里留光集房二十四間民國十七年歸併第三

小學校

寶峯寺 在縣東北三十五里裴固房十六間以其中匪時隱匿民國二十

三年被縣長姚家望拆除今廢

石佛寺 在縣東四十五里胡村 一在縣東五十里黃陵集北首南向房

四間 一在縣東五十五里舊黃陵集東首房十間

洪量寺 在縣西南五十里洪量庄康熙志今庄被黃河浸沒寺亦無存採訪

封邱縣續志

卷五 建置志 祀祠

四十七

開封新豫印刷所承印

陡山寺 在縣西南大陡門房十三間道光二十六年重修採訪

